



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia


Nádasi, János

Coloniae Ubiorum, 1667

1 Maji. Kalendis Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

*ferio agere negotium aternitatis mea.
doce me dolere, doce amare, doce labo-
rare, ac sudare, amore tui Filii, Dei
mei!*



ANNI CÆLESTIS MAJUS.

I Maji. Kalendis Maji.

SANCTE Philippe, Scytharum & Phrygum Apostole, qui à magistro Jesu ostendi tibi Patrem cælestem, Dei videndi avidus, petiisti, & impetrâsti, quando pro illo crucifixus, & lapidatus es. S. Jacobe *juste*, frater Domini, qui à carne, vino, sicerâ, semper abstinens, Sancta sanctorum ingrediebaris solus: cujus genua flectendi in orando assiduitas callo induit: qui tandem ex alto templi loco Jerosolymis præcipitatus, confractis cruribus, pro inimicis orans, in capite fuste fullonis percussus, animam dedisti magistro Jesu. O sanctissimum Apostolorum par! orate, ut *justus* vivam, & moriar; ut faciens omnes voluntates Dei, frater Jesu, & bonus Dei & MARIÆ filius vivam,

vam, & moriar; & tūm morienti
ostendite mihi Patrem, & sufficit mi-
hi. Amen.

S. Hieremia Propheta, lapidate;
cujus pulveres moribus aspidum
medentur.

S. Andeole Subdiacone, qui spi-
nosus fustibus cæsus, demum ense
ligneo, capite in quatuor partes, in
modum Crucis, conscisso, marty-
rium consummasti.

SS. Orenti, & Patientia, MM.

S. Sigismunde Rex, in puteum
demerse, & luminaribus, cantibus-
que cælestibus, ac miraculis hono-
rate post mortem, febricitantium
singularis advocate.

SS. Orienti, & Afaphe, Episc.

S. Amator Episc. cujus mortuū
spiritum Sanctorum chorus, cum
hymnis, & canticis, ad Dei thro-
num adduxit.

S. Walburga V. multis è cælo
solatiis, oleo post mortem, aliisque
miraculis celebris.

S. Grata Vidua.

B. Peregrine, à Matre Virgine,
quam de vitæ ratione consulebas,
ad religiosum asylum invitate, &
ab Angelo deducte, ac in ipso reli-
giosi loci ingressu, toto capite cæ-
lesti splendore circumfusa: qui per

triginta annos nunquam sedisti, nunquam in lecto decubuisti, nullum diem sine confessione abire vacuum permisisti: cujus putrefactum crus descendens è Cruce Jesus tetigit, & sanavit: qui demum clarus miraculis, B. Philippo, & Francisco Senensi comitibus, æternam gloriam adiisti.

S. Marculphe Abba, cui apparetur Angelus: *Pax, inquit, tibi, beatissime Marculphe*; teque ad magna, pro Dei gloriâ, audenda animavit.

S. Benedicte M. in Hungariâ, quem labore per iter fatiscentem Angelus vehiculo domum revertisse qui ut somnum non nisi parce admitteres, caput circumdedisti circulo, aculeis undique obsepto, & ferto ligneo, lapidibus obarmato; ut si somno pressum caput inclinaret, à lapidibus illis atque aculeis excitareris: qui cum S. Andrea Zoëardi esses discipulus, à latronibus occisus, in Vago flumine demersus, atque aquilæ supervolantis indicio, recens in aquis & integer es repertus.

S. Andrea Zoëarde, Benedicti magister, cujus mortui corpori adstricta catena reperta est, quæ jam

in viscera penetrârat , sepulta in carne ; cujus pars , Geisæ Duci Hungariæ deinde fuit in pretio & honore : in cujus antro depositum mortui cadaver , velut in Elisæi sepulchro , revixit , & sociis attonitis dixit : *S. Zoërvardus me à morte suscitavit ad vitam* ; adjecitque , se ab eo loco non discessurum , sed Deo , & tibi serviturum ; id quod præstitit usque ad mortem : qui quendam , tuum nomen assidue invocantem , Nitriæ suspensum , in vitâ retinuit ; & ille ajebat postea , se tuis manibus in patibulo fuisse sustentatum , dilapsôque populo absolutum , & in tuto depositum .

S. Theodulphe, singularis contra dentium dolorem patrone.

OMNES SANCTI, &c.

pag. 320.

S. MARIA à Gaudio , *hodie Bononia celebrata : doce me sanctam artem gaudendi* . O caussa nostræ lætitiæ ! *fac , ut omnia , quæ ago , gaudium afferant Deo meo , tibi , ac Sanctis omnibus ; ut gaudium sit in cælo super me peccatore pœnitentiam agente , & ingrediar in gaudium Domini mei , ac ibi de me gaudeat Deus meus !*

S. MARIA , *quæ hodie , à B. Henrico Susone , strenua Majalis loco , va-*

riis donis, & laudibus es honorata. Tibi do, in strenam æternam, omnes dies meos: tua gloria dono hunc mensuram, & omnes articulos vitæ, ac mortis meæ!

2 Maji. 6 Nonas Maji.

SANCTE Antonine Florentine, quia staturâ pusillus eras, ex Antonio Antoninus es dictus; ob prudentiam verò singularem, *Antoninus consilium*: qui à carniû esu, & à fœminarum colloquiis alienus, cilicio & zonâ ferreâ cinctus, Episcopatum invitus admisisti: qui cùm tres (qui soli tibi supererant) panes pauperibus dari iussisset, pransurus plena, in penu, candidis panibus omnia divinitus reperisti: qui super domum trium pauperum virginum laborantium tres Angelos, postea (cùm eæ, à te adjunctæ, otio vanitatique vacarent) dæmonem incubantem vidisti: qui in balance ostendisti verba hæc, *Retribuatur tibi Deus!* majoris ponderis esse, quàm poma, quæ dono acceperas: qui pronuntiata excommunicationis sententiâ, panem candidum in atrum vertisti; sed ille ad pristinum candorem reversus est.